

四庫全書

經部

欽定四庫全書

春秋穀梁注疏卷十四

起成公九年  
盡十八年

晉范甯集解 唐陸德明音義 楊士勛疏

九年春王正月杞伯來逆叔姬之喪以歸

傳傳曰夫無逆出妻之喪而為之也疏

傳釋曰公羊以為魯脅杞

使逆其喪左氏以為魯人請之故杞伯來逆此傳不說歸之所由要叔姬既犯七出之愆反歸父母之國恩已絕矣杞伯今復逆出妻之喪而違禮傷教言其不合為而為之是以書而記之以見非傳曰夫無逆出妻之喪為之言其不合為而為之也徐邈云為猶葬也言夫無逆出妻之喪而葬理亦通矣但范不訓

為為  
葬也

公會晉侯齊侯宋公衛侯鄭伯曹伯莒子杞伯同盟于

蒲注蒲衛地

公至自會

二月伯姬歸于宋注逆者非卿故不書

夏季孫行父如宋致女注致勅戒之言於女疏

釋曰公羊以春

秋未有言致女者此其言致女何賢伯姬也左傳無說蓋以使卿則書餘不書者或不致或不使卿也此傳云詳其事賢伯姬也則與公羊意同耳徐邈云宋公不親迎故伯姬未順為夫婦故父母使卿致伯姬使成夫婦

之禮以其責小禮違大節故傳曰不與內稱謂不稱夫人而稱女案傳稱賢伯姬而徐云責伯姬是背傳而解之故范以為謂致勅戒之言於女也

傳致者不致者也婦人在家制於父既嫁制於夫如

宋致女是以我盡之也注刺已嫁而猶以父制盡之

不正故不與內稱也注內稱謂稱使音義內稱尺證反疏

注釋曰案經內大夫出國例言如不言使此季孫行父如宋即是內稱而云不與者凡內卿出外直言如某者即是使又即是內稱今行父稱君之命以在家之道制出嫁之女雖言如以為內稱言致女是見其不與也僖三年公子友如齊蒞盟彼亦言如又云蒞盟者若直言如則嫌是單聘故更須言盟也蒞盟既

更須言盟則致女亦須言之云不與內稱者莅盟是禮致女非禮故不合言也若然傳曰逆者微故致女詳其事賢伯姬也據傳文似致女得正而云不正故不與內稱者禮諸侯親逆則不須致女今以宋逆者微故致女是傳解其致女之意也云不正故不與內稱也其以在家之道制出嫁之女也此傳之意因解宋公不親逆并見致女之不正又云賢伯姬者以上下文詳皆云賢伯姬則此云致女亦兼賢伯姬也若其不為賢伯姬則致逆者微故致女詳其事賢伯姬女雖正亦不書也

晉人來媵

傳媵淺事也不志此其志何也以伯姬之不得其所

故盡其事也

秋七月丙子齊侯無野卒

晉人執鄭伯

晉欒書帥師伐鄭

傳不言戰以鄭伯也注欒書以鄭伯伐鄭君臣無戰

道為尊者諱恥注不使臣敵君王師敗績于貿戎是

也音義

為于偽反下  
及此傳注同

為賢者諱過注為齊桓諱滅項

是也音義

項乎  
講反

為親者諱疾注雍曰欒書以鄭伯伐

鄭不言戰是也鄭兄弟之國故謂之親君臣交兵病

莫大焉故為之諱疏

釋曰春秋諱有四事一曰為尊者諱恥二曰為魯諱敗三曰為

賢者諱過四曰為同姓諱疾此不言魯者因親者諱疾則文亦包魯可知故不言也聖人有作親疏一也今乃以同姓為別者春秋之意因親疏故仲尼書經內外有別既內外別則親疏尊卑見矣

冬十有一月葬齊頃公音義

頃音

楚公子嬰齊帥師伐莒庚申莒潰音義

潰戶內反

傳其曰莒雖夷狄猶中國也注莒雖有夷狄之行猶

是中國音義

行下孟反

大夫潰莒而之楚是以知其上為

事也注臣以叛君為事明君臣無道疏

釋曰范別例云凡潰者有

四發傳有三僖四年蔡潰傳曰潰之為言上下不相得也此莒潰傳曰大夫潰莒而之楚二者雖同是不相得與君臣不和自潰散少異故亦發傳昭二十九年鄆潰彼鄆是邑與國殊故重發傳一解鄆不伐而自潰與常例異故重發之文三年沈潰不發者從例可知也惡之故謹而日之也

注潰例月甚之故日音義

惡烏路反

疏

注釋曰傳上云猶中國也故曰下文

言惡之故謹而日之也若使莒非中國雖惡不得日也以潰例月為惡故日是以云謹而日之范知例月者僖四年春王正月公會齊侯云云侵蔡蔡潰文三年春王正月叔孫得臣會晉人云云伐沈沈潰是例月今此莒帥眾民叛君從楚故變文書日以見惡



楚人入鄆疏

釋曰魯雖有鄆此鄆非魯也蓋從左氏為莒邑大都以名通故不繫莒或以為昭元

年取鄆范云魯邑此不繫莒則魯邑可知理亦通也

秦人白狄伐晉

鄭人圍許

城中城

傳城中城者非外民也注譏公不務德政恃城以自

固不復能衛其人民疏

釋曰莊二十九年冬城諸及防傳曰可城也今云非外民

也者凡城之志皆譏就譏之中閒隙之月少耳故云可城乃非全善之文此亦冬城嫌同而無譏故發傳

明之舊解以為有難而脩城則不譏之若文十二年季孫行父城諸及鄆是也此涉左氏之說案穀梁傳凡城之志皆譏安得有備難之事若備難無譏則經本不應書之經既書之明譏例同或以為城諸及防是十一月故傳發可城之文今此城是十二月故發外民之傳雖同是譏事有優劣故發傳以異之

# 十年春衛侯之弟黑背帥師侵鄭疏

釋曰范荅薄氏駁云諸侯之尊弟兄

不得以屬通有賢行則書弟今黑背書弟者明亦有賢行故也陳侯之弟光衛侯之弟專秦伯之弟鍼傳無賢行所以皆云弟者隱七年齊侯使其弟年來聘傳曰其弟云者以其來接於我舉其貴者也是接我者例稱弟襄二十年陳侯之弟光出奔楚昭元年秦伯之弟鍼出奔晉傳皆曰親而奔之惡也襄二十七年衛侯之弟專出奔晉傳云其曰弟何也專有是信者三者無罪故稱弟以惡兄襄三十年天王殺其弟佞夫傳曰甚之也稱

弟以惡王也昭八年陳侯之弟招殺陳世子偃師傳曰其弟云者親之也親而殺之惡也是惡而稱弟也宣十七年公弟叔肸卒傳曰其曰公弟叔肸賢之也莊三十二年公子牙卒無賢行而不稱弟明稱弟皆賢也自然光專之稱弟非直罪兄必兼有賢行叔肸以賢稱弟傳有賢行明文則黑背稱弟自然亦有賢行故范准例言之稱弟之例有四意齊侯之弟年來聘鄭伯使其弟禦來盟為接我稱弟衛侯之弟專為罪兄稱弟陳侯之弟招惡之稱弟叔肸及衛侯之弟黑背為賢稱弟是有四也

夏四月五卜郊不從乃不郊

傳夏四月不時也注郊時極於三月五卜強也乃者

亡乎人之辭也音義

強其疏釋曰重發傳者嫌五

反疏卜與四卜異故也

五月公會晉侯齊侯宋公衛侯曹伯伐鄭

齊人來媵注媵伯姬也異姓來媵非禮疏

注釋曰何休以為異姓亦

得媵故鄭歲膏肓難之云天子云備百姓博異氣諸侯直云備酒漿何得有異姓在其中是亦以異姓不合媵也此媵不發傳者上詳其事見同姓之得禮異姓非禮可知故省文

丙午晉侯獯卒音義

獯乃疏釋曰何休云不書葬為殺侯反大夫趙同等范雖不解或

當魯不  
會也

秋七月公如晉

冬十月

十有一年春王三月公至自晉

晉侯使卻犇來聘己丑及卻犇盟音義

犇尺由反公疏  
羊作卻州

釋曰書曰者公親在又非前定之盟  
故也又不云公者取舉國與之也

夏季孫行父如晉

秋叔孫僑如如齊

冬十月

十有二年春周公出奔晉

傳周有入無出注鄭嗣曰王者無外故無出也宗廟

宮室有定所或即位失其常處反常書入內宗廟也

昭二十六年天王入于成周是音義

處昌慮反

其曰出上

下一見之也注鄭嗣曰上謂僖二十四年天王出居

于鄭下謂今周公出奔上下皆一見之音義

見賢徧反注同

言其上下之道無以存也上雖失之下孰敢有之今

上下皆失之矣注上雖有不君之失臣下莫敢效不

臣之過今復云周公之出則上下皆有失矣君而不

君臣而不臣是無以存于世言周之所以衰音義

復扶

又疏釋曰有入無出注意直據天子今不云王而云反疏周者以經雖無王臣入文至於王臣出亦是議

限故言周以總之范以王者出入之文俱有故注直言王以當之案僖二十四年傳云雖失天下莫敢有也謂王雖出鄭不敢有之以為國也此云上雖失之下孰敢有之謂上雖有不君之失臣下誰敢於效為之觀經立說故二處不同也今上下皆失之矣謂王既書出居于鄭今復云周公出奔晉是上下皆有失也公羊以為書出者周公自其私土而出也左氏以為書出者已復之周公自出並與穀梁異也

夏公會晉侯衛侯于瑣澤注瑣澤某地音義

瑣素果反

秋晉人敗狄于交剛注交剛某地音義

敗必邁反下同

傳中國與夷狄不言戰皆曰敗之注不使夷狄敵中

國夷狄不日疏

釋曰不於箕役發傳者以再敗狄師甚之故發於此

冬十月

十有三年春晉侯使卻錡來乞師音義

錡魚綺反

傳乞重辭也古之人重師故以乞言之也疏

釋曰重發傳者

公子遂內之始此外之初故發之也古之人重師故以乞言之也者古人以師之為重故以重辭言之古者舊以為穀梁子後代之遠者舉當時之事亦以古言之徐邈以為引古以刺今耳

三月公如京師

傳公如京師不月月非如也注時實會晉伐秦過京



師也公行出竟有危則月朝聘京師理無危懼故不

月音義

過音戈下同竟音境朝直遙反下皆同

非如而曰如不叛京師

也注因其過朝故正其文若使本自往疏

釋曰僖二十八年五

月癸丑公會晉侯云云盟于踐土陳侯如會公朝於王所彼日月並書公朝于王所雖文承五月癸丑之下彼之日月自為盟不為朝也壬申公朝于王所書日此意取日不繫月猶諸侯不宗於天王朝會無危則例時今公以伐秦過京師非真朝故書月以見意

夏五月公自京師遂會晉侯宋公衛侯鄭伯曹伯邾人

滕人伐秦

傳言受命不敢叛周也注使若既朝王而王命已使

伐秦叛周謂專征伐疏

釋曰公子遂如京師遂如晉傳云不叛天子此文重發傳

者嫌君臣異例也

曹伯廬卒于師音義

廬力吳反又力魚反

傳傳曰閔之也公大夫在師曰師在會曰會疏

釋曰諸侯

或從會或從伐皆閔其在外而死故云卒于師于會也卒于師則此曹伯廬襄十八年曹伯負芻是也卒于會者則定四年杞伯成卒于會是也僖四年許男新臣亦卒于師不言于師者彼以內桓師雖卒于外以若在國然故不書于師然則大夫之卒例所不書而與公同例云在師曰師在會曰會者舊解以為春

秋緣大夫之心則知書君之卒于師則言師于會則言會非謂外大夫書卒于師若然傳當云大夫公不得云公大夫且經無其事傳因類發例者其數不少即日食云外壤饑云饉康之等是也彼經無其事傳得因類引之此雖無經何以為不得又命大夫單伯之徒亦書會諸侯若使卒于師固當書之但無卒于師卒于會者耳故知公大夫在師曰師謂公及大夫二者皆然也徐邈之注亦以為公及大夫所會諸侯在師言師在會言會明為舊解非也

秋七月公至自伐秦

冬葬曹宣公

傳葬時正也疏

釋曰熾卒于師失正葬故重發之葬正則是無危不曰卒者蓋非嫡子為

君故也又僖四年注云新臣卒于楚故不日耳則此  
不日者或當為卒于秦故也若然襄二十六年壬午  
許男甯卒于楚注云許男卒于楚則在外已顯矣日  
卒明其正二注不同者以無正文二理俱通故為兩  
解或亦新臣非嫡子不  
須兩解理足可通耳

十有四年春王正月莒子朱卒注徐邈曰傳稱莒雖夷

狄猶中國也言莒本中國末世衰弱遂行夷禮葬皆稱

諡而莒君無諡諡以公配而吳楚稱王所以終春秋亦

不得書葬疏

釋曰莒子朱者莒渠邱公今不書葬者莒

故不書葬也不日卒者何休云入春秋以來至此始書  
卒故略之不日或當既行夷禮不得同中國故不日或

當非正卒無  
文可明之

夏衛孫林父自晉歸于衛

秋叔孫僑如如齊逆女注泰曰親迎例時大夫逆皆謹  
月以譏之下云九月僑如以夫人婦姜氏至自齊一事

不二譏故此可以不月也宣元年公子遂如齊逆女亦

以時逆而月致義與此同音義

迎魚敬反傳同本或作逆

疏

釋曰宣元年

春王正月公即位公子遂如齊逆女被文承正月之下  
即與此別而云同者彼雖文承正月之下正月自為即  
位發文非是為遂逆女若逆女既蒙上月則下  
夫人至不須云月案此比例知彼亦當時也

鄭公子喜帥師伐許

九月僑如以夫人婦姜氏至自齊

傳大夫不以夫人以夫人非正也刺不親迎也僑如

之挈由上致之也音義

刺七賜挈苦結反

疏

釋曰公子翬如齊逆女傳曰不

言翬之來何見于公也然則夫人見於君宜言以夫人至而曰非正者逆女親者也使大夫非正也非正而以夫人至故刺之彼以先接於公故無至文此使大夫有譏則翬之被責居然顯矣不發於宣公逆女於此發之者宣公以喪娶故略夫人而不氏一事不二譏故省其文成公非喪娶而不親逆嫌其無罪故傳明之莊公觀逆傳亦譏之者以娶讎人之女而事宗廟故也由上致之者宣元年注云上謂宣公則此

謂成  
公也

冬十月庚寅衛侯臧卒音義

臧子  
郎反

秦伯卒疏

釋曰世本及左  
氏是秦桓公也

十有五年春王二月葬衛定公

三月乙巳仲嬰齊卒

傳此公孫也其曰仲何也注此蓋仲遂之子據實公

孫子由父疏之也注雍曰父有弑君之罪故不得言

公子父不言公子則子不得稱公孫是見疏之罪由

父故疏

釋曰宣十八年公孫歸父如晉歸父亦襄仲之子何以不疏者卒則身之終今嬰齊之卒

當繼於父父既被疏故子亦當略歸父則奉命出使使奔之故具名氏以恩錄也歸父還不氏者以明由上也公羊以為仲嬰齊何以不稱公孫以歸父既是兄公孫嬰齊為歸父後為人後者則為之子故不稱

公孫與  
叔梁異

癸丑公會晉侯衛侯鄭伯曹伯宋世子成齊國佐邾人同盟于戚晉侯執曹伯歸于京師

傳以晉侯而斥執曹伯惡晉侯也注僖二十八年晉人執衛侯歸之于京師此伯討之文也今以侯執伯



明執之不以其罪音義

惡烏疏

釋曰重發者此執歸于京師嫌晉之無罪

故明之注釋曰衛侯有罪故稱人言執又歸之京師  
令天子決之是伯討之文也又且此傳云以晉侯而  
斥執曹伯惡晉侯也稱人以執是伯明稱人以執是  
伯討也若然定元年晉人執宋仲幾傳曰此大夫其  
曰人何也微之也何為微之不正其執人於尊者之  
所也不與大夫之得伯討也彼又稱人非伯討者彼  
仲幾雖則逆命當歸於王之有司今晉大夫執人於  
尊者之側故地于京師以見尊稱人以見卑是不與  
大夫之伯討也伯討宜施諸侯大夫則不得也左氏  
以為曹伯殺太子而自立公羊之意曹伯篡喜時據  
二傳之文則是有罪范云不以其罪者范以曹伯言  
執云惡晉侯曹伯之入云歸為善據此二文言之明  
執之不足以其罪不得  
以公羊左氏為難

不言之急辭也斷在晉侯也注

明晉之私音義

斷丁  
亂反

公至自會

夏六月宋公固卒

楚子伐鄭

秋八月庚辰葬宋共公音義

共音  
恭

傳月卒曰葬非葬者也注宋共公正立卒當書日葬

無甚危則當錄月今反常違例故知不葬者也然則

共公之不宜書葬昏亂故疏

注釋曰葬書時正也注  
不以時決而以月決之

者以葬書時葬為正書月有故書日危不得葬今共  
公月猶不得明不葬可知故不以時決之然共公失  
德所以不全去葬文者為伯姬書葬故不得不存共  
公之葬但書日以表失德且不全去葬文嫵是魯之  
不會無以明此其言葬何也以其葬共姬不可不葬  
其失德也

共公也葬共姬則其不可不葬共公何也夫人之義  
不踰君也為賢者崇也注賢崇伯姬故書共公葬音

義

偽為于反

宋華元出奔晉宋華元自晉歸于宋

宋殺其大夫山疏

釋曰左氏以為背其族何休注公羊以為譖華元貶之穀梁無說不知所

從

宋魚石出奔楚

冬十有一月叔孫僑如會晉士燮齊高無咎宋華元衛

孫林父鄭公子鮪邾人會吳于鍾離音義

鮪音其九反

傳會又會外之也注再書會殊外夷狄疏

釋曰重發傳者攢函

表中國之辭鍾離明  
內外之稱故兩發之

許遷于葉音義

葉始涉反

傳遷者猶得其國家以往者也其地許復見也音義

復扶又反  
見賢編反

十有六年春王正月雨木冰注五行傳曰雨木冰者木

介甲冑兵之象音義

雨如字或于付反非也介音界冑直又反

疏

釋曰劉向云冰者陰

之盛木者少陽卿大夫之象此是人將有害則陰氣脅木木先寒得雨而冰也是時叔孫僑如出奔公子偃誅死一日時晉執季孫行父執公此執辱之異也徐邈云五行以木為介介甲也木者少陽之精幼君大臣之象冰者兵之象今冰脅木君臣將見執之異根枝折者象禍害速至也或曰木冰比木介介者甲也兵之象也是歲有鄢陵之戰楚子傷目而敗注云兵之象則或說是也

傳雨而木冰也注雨著木成冰音義

著直略反

志異也傳

曰根枝折

夏四月辛未滕子卒疏

釋曰左氏滕文公

鄭公孫喜帥師侵宋

六月丙寅朔日有食之

晉侯使欒黶來乞師注將與鄭楚戰音義

黶於斬反

甲午晦晉侯及楚子鄭伯戰于鄢陵注鄢陵鄭地音義

鄢音假又於連反

楚子鄭師敗績

傳日事遇晦曰晦四體偏斷曰敗此其敗則目也注

此言敗者目傷故疏

釋曰僖十五年巳卯晦震夷伯之廟傳曰晦冥也則晦非常文

而云遇晦者舊解以為僖十五年傳曰晦冥也者謂月光盡而夜闇不謂非晦日也今以為震夷伯之廟云晦者如公羊晝日為冥自餘稱晦者是月盡日也既云日事遇晦何以日食不書晦者日食既言日雖不書晦可以知省文也必知不如公羊以晝為晦冥者上六月丙寅朔日有食之此甲午是二十九日晦以日月相當知非晝日為冥也手足偏斷尚謂之敗目在首重於手足故亦為敗傳譏在諸侯也

楚

不言師君重於師也

楚殺其大夫公子側

秋公會晉侯齊侯衛侯宋華元邾人于沙隨不見公注

沙隨宋地

傳不見公者可以見公也可以見公而不見公譏在

諸侯也疏

釋曰是晉侯之意諸侯既無解釋之者即是同不與公相見故以諸侯總之

公至自會

公會尹子晉侯齊國佐邾人伐鄭注尹子王卿士子爵

曹伯歸自京師

傳不言所歸歸之善者也出入不名以為不失其國

也歸為善注謂直言歸而不言其國即曹伯歸自京



師不言于曹是自某歸次之注若蔡季自陳歸于蔡

衛侯鄭自楚復歸于衛疏

釋曰凡諸侯有罪失國出書名者即昭三年北燕伯

款出奔齊是也入書名即僖二十八年衛侯鄭曹伯襄是也今曹伯被執以其無罪故出入不名見其不失國也傳詳發于此者以歸文與常例異故分別之

九月晉人執季孫行父舍之于荅丘注行父魯執政卿

其身執則危及國故謹而月之錄所憂也荅丘晉地音

義

舊音條

疏

釋曰昭十三年八月甲戌同盟于平丘公不與盟晉人執季孫意如以歸二十三年春正

月叔孫姑如晉癸丑叔鞅卒晉人執我行人叔孫姑彼二文皆承月不即蒙上月文何為此注獨為謹而月之

者意如之執文承八月之下彼月自為盟而發不為執  
意如也姑之執雖文承正月之下彼月自為叔鞅而言  
亦不是為姑而發故襄十八年晉人執衛行人石買莊  
十七年齊人執鄭詹皆不月也此九月之下更無他事  
指言晉人執季孫故知為危謹而月之一  
解行父書月以見危則意如及姑亦是危也

傳執者不舍注據昭二十三年晉人執我行人叔孫

婣不言舍音義

婣丑略反

而舍公所也注今言舍者以公

在莒丘故也公在莒丘而言舍者明不得致也若既

不致復不言舍則無以見其舍音義

復扶又反下同見賢徧反下見

公執者致注據昭三十四年婣至自晉而不致公在

也注在在莒丘也見舍于莒丘還國則與公俱不得  
致者重在公何其執而辭也注問何故書執季孫行  
父而言舍之復不致之辭邪猶在公也注時行父雖  
為晉所執猶欲存公之所在故不致行父又言舍之  
皆所以見公在莒丘存意公亦存也注問存舍之不  
致之意便可知公所在乎公存也注但存此二事即  
知公在莒丘疏釋曰經稱執季孫行父舍之莒丘故  
傳稱執者不舍是據叔孫婁而發問  
也而舍公所也者謂言所舍故也公所者即莒丘是  
也執致者謂昭二十四年婁至自晉是也而不致公

在也者謂今季孫歸而不書至者公在故也以其與  
公同歸重在公故不致也何其執而辭也謂問經意  
何其書執而不致為辭也猶存公也謂為晉所執心  
欲存公所在故不致行父又言舍之也存意公亦存  
焉謂又問經意直存舍之不致之意則便可知公所  
在乎公存也者答上問意但存此二事即知公在也  
公存者謂在莒丘也舊解注言二事舍是一事也於  
莒丘是二事今以為乘上注意則二事者謂舍於莒  
丘及不致  
焉二事

冬十月乙亥叔孫僑如出奔齊注徐邈曰案襄二十三  
年臧孫紇出奔齊傳曰其日正臧紇之出也禮大夫去  
君掃其宗廟不絕其祀身雖出奔而君過之不失正故

詳而紀之明有恩義也音義

統恨發反

疏

注釋曰僑如為君遇之不失所書日

臧統則正其有罪而書日二者不同范引之者欲明二者不異臧孫云正其有罪亦兼為君遇之不失所書日僑如言君有恩而書日亦兼正其罪可知是互以相包故引之

十有二月乙丑季孫行父及晉卻犇盟于扈

公至自會注無二事會則致會伐則致伐上無會事當言至自伐鄭而言至自會甯所未詳鄭君曰伐而致會於伐事不成

乙酉刺公子偃音義

刺七賜反傳同爾雅云殺也

傳大天日卒正也先刺後名殺無罪也注僖二十八

年公子買戍衛不卒戍刺之是有罪者以先列其罪

音義

戎式  
喻反疏

釋曰徐邈云偃為僞如所譜故云無罪  
左氏云為姜氏所立二者未知孰是

十有七年春衛北宮括帥師侵鄭

夏公會尹子單子晉侯齊侯宋公衛侯曹伯邾人伐鄭

音義

單音  
善

六月乙酉同盟于柯陵注柯陵鄭地音義

柯音  
歌

傳柯陵之盟謀復伐鄭也音義

復扶  
又反

秋公至自會

傳不曰至自伐鄭也公不周乎伐鄭也注周信也公  
逼諸侯為此盟爾意不欲更伐鄭何以知公之不周  
乎伐鄭以其以會致也何以知其盟復伐鄭也以其  
後會之人盡盟者也注後會謂冬公會單子等是不  
周乎伐鄭則何為日也注據無伐鄭意而強盟盟不  
由忠不當日也音義強其大反言公之不背柯陵之盟也  
注舍已從人遂伐鄭疏釋曰定四年諸侯侵楚盟于  
臯鼬言公至自會者經之常

也今傳起違例之問者定四年楚弱而為諸侯所侵託而盟故以盟為大事故云至自會鄭自柯陵戰後不助中國二年之間三度興兵以伐為重盟為輕故決其不以伐鄭致僖四年傳云大伐楚也不以會致而以伐致是其事也業後會齊侯不出而云後會之人盡盟者也以今時身在後遣大夫從師故亦得云後會之人盡盟之

齊高無咎出奔莒

九月辛丑用郊

傳夏之始可以承春以秋之末承春之始蓋不可矣

注郊春事也僖三十一年夏四月四卜郊不從傳曰



四月不時今言可者方明秋末之不可故以是為猶可也九月用郊用者不宜用也宮室不設不可以祭衣服不修不可以祭車馬器械不備不可以祭有司一人不備其職不可以祭祭者薦其時也薦其敬也

薦其美也非享味也疏

釋曰論用郊而陳宮室者禮有五經莫重於祭祭之盛者

莫大於郊傳意欲見嚴父然後能事天家國備然後能享故具說宮室祭服車馬官司之等明神非徒享味而已何得九月始用郊乎徐邈云宮室謂郊之齊宮衣服車馬亦謂郊之所用言一事闕則不可祭何得九月用郊理亦通也

晉侯使荀罃來乞師注將伐鄭音義

罃烏耕反

疏

釋曰范別例云乞師

例有三三者不釋從例可知也乞例六者乞師五乞盟一井之為六乞師五者公子遂晉卻錡欒黶荀罃士魴

是也乞盟一者鄭伯是也

冬公會單子晉侯宋公衛侯曹伯齊人邾人伐鄭

傳言公不背柯陵之盟也

十有一月公至自伐鄭

壬申公孫嬰齊卒于狸蜃注狸蜃魯地也音義

狸蜃上力之反

下時軫反

傳十一月無壬申壬申乃十月也致公而後錄臣子  
之義也注嬰齊實以十月壬申日卒而公以十一月  
還先致公而後錄其卒故壬申在十一月下也嬰齊  
從公伐鄭致公然後伐鄭之事畢須公事畢然後書  
臣卒先君後臣之義也其地未踰竟也音義竟音境疏  
釋曰公羊之意以為臣待君命然後卒大夫此云致  
公而後錄其卒是與公羊異杜預解左氏以為日誤  
又與二傳  
不同也

十有二月丁巳朔日有食之

邾子貜且卒音義

貜俱縛反疏釋曰世本且子餘反邾定人也

晉殺其大夫卻錡卻犨卻至

傳自禍於是起矣注厲公見殺之禍音義

殺之如字又音試

楚人滅舒庸

十有八年春王正月晉殺其大夫胥童

庚申晉弑其君州蒲

傳稱國以弑其君君惡甚矣疏

釋曰於此發傳者以州蒲二年之間殺四

大夫故於此發惡例也

齊殺其大夫國佐

公如晉

夏楚子鄭伯伐宋宋魚石復入于彭城注彭城宋邑魚

石十五年奔楚經稱復入者明前奔時入彭城以叛也

今楚取彭城以封魚石故言復入音義

復扶又反注同疏注釋

樂盈亦書復入者以樂盈先入曲沃後復入晉故亦云復入也後入曲沃不云復入者兵敗奔曲沃即繼前文已云復入于晉故直云入曲沃舊解以為初入國都後入曲沃言復入若然何不云復入曲沃而云復入于晉

公至自晉

晉侯使士匄來聘音義

句本又作  
耳音蓋

秋杞伯來朝音義

朝直遠  
反下同

八月邾子來朝

築鹿囿注築牆為鹿地之苑音義

又音疏釋曰苑知非  
為鹿築囿而

以鹿為地名者案即囿既是地名則此鹿亦當是地名  
徐邈何休皆云地名天子囿方百里公侯十里伯方七  
里子男方五里言魯先有囿今復築之故書以示譏則  
即及蛇泉亦是識也案毛詩傳云囿者天子百里諸侯  
三十里與徐何二說別者詩傳蓋據孟子稱文王囿七  
十里寡人四十里故約之為天子百里諸侯三十里耳

未審徐何二家  
據何為說也

欽定四庫全書

穀梁注疏

傳築不志此其志何也山林藪澤之利所以與民共

也虞之非正也音義

義素口反

已丑公薨于路寢

傳路寢正也男子不絕婦人之手以齊終也音義

齊如

字又側皆反

冬楚人鄭人侵宋

晉侯使士魴來乞師音義

魴音房

十有二月仲孫蔑會晉侯宋公衛侯邾子齊崔杼同盟

于虛杅注虛杅某地音義

杅直呂反虛邱疏釋曰此虛魚反杅丑丁反

日者何休云公薨喪盟略之故不日事或然也

丁未葬我君成公





春秋穀梁注疏卷十四

春秋穀梁傳注疏卷十四考證

伯姬歸于宋注逆者非卿故不書○

臣召南

按伯姬賢

名遠著至于三國來媵宋初圖婚即使華元來聘其納幣也使公孫壽魯之致女使季孫行父甚重其事而備其禮豈有逆女之時反使微者將命乎公羊穀梁皆無傳范氏之言未可信也

季孫行父如宋致女傳是以我盡之也注刺已嫁而猶以父制盡之○

臣浩

按女子既嫁父母家使人存問

謂之致女自是古有此禮非曰既嫁猶制於父也

臣

照

按他致女不書此書伯姬賢崇之也

城中城傳疏事有優劣○監本作事有有優劣下有字  
衍

衛侯之弟黑背帥師侵鄭疏陳侯之弟光○光字監本

誤作黃

臣浩

按左氏經作黃公穀經皆作光疏文自

是光字

又疏自然光專之稱弟非直罪兄必兼有賢行○監

本脫稱第二字文義遂不可解今增

三月公如京師傳公如京師不月月非如也○  
臣召南

按穀梁每事以日月為例故云然其實成公以三月  
如京師至五月始會晉伐秦則在京師時自必朝於  
天子左傳云公及諸侯朝王遂從劉康公成肅公會  
諸侯伐秦是也雖其意在於會晉而朝王實不容沒  
安得以書月而斷其非朝乎

仲嬰齊卒傳此公孫也其曰仲何也子由父疏之也○

臣召南

按公子稱公子公孫稱公孫公孫之子始稱其氏通例也其公子生而賜氏者本身即得稱氏季友仲遂是也身且稱氏況子孫乎公羊以為弟為兄後穀梁以為子由父疏皆臆見也且是時有兩嬰齊一為叔肸之子一為仲嬰齊經不曰仲嬰齊何以別異於公孫嬰齊乎

公會晉侯衛侯鄭伯曹伯宋世子成齊國佐邾人同盟于戚晉侯執曹伯歸于京師傳疏定元年晉人執宋

仲幾○監本脫人字今添

秋八月庚辰葬宋共公傳月卒日葬非葬者也○

臣浩

按穀梁以日月為例故有紛紛之說魯宋婚姻之國  
使使會葬則書葬舊史有日故書日耳傳謂以後葬  
共姬此不可不葬共公迂曲甚矣

雨木冰注五行傳曰○監本誤作穀梁傳曰今改正

甲午晦晉侯及楚子鄭伯戰于鄢陵楚子鄭師敗績傳

日事遇晦曰晦○

臣呂南

按遇朔書朔遇晦書晦此

及震夷伯之廟二文可徵公羊謂書朔不書晦穀梁此傳謂遇晦曰晦優於公羊遠矣前解晦震夷伯之廟猶同公羊之說何耶

晉人執季孫行父舍之于莒邱傳疏故不致行父○故字監本誤作公今改正

九月辛丑用郊傳疏論用郊而陳宮室者○用字監本誤作有今改正

又疏傳意欲見嚴父然後能事天○監本誤作然後

至其天今改正

壬申公孫嬰齊卒于貍蜃傳十一月無壬申壬申乃十月也○臣召南按以下文十二月丁巳朔日有食之

推校則壬申自是十月之日傳所云不妄也但經文隨事直書嬰齊果卒於十月壬申經可倒書為十一月壬申乎故不如杜氏直云日誤為是

築鹿圃疏天子園方百里公侯十里○監本脫百里公侯四字今增



又疏寡人四十里○四字監本誤作三今改正

又疏故約之為天子百里○監本脫百里二字今增

春秋穀梁傳注疏卷十四考證

欽定四庫全書

經部

春秋穀梁注疏卷十五

詳校官監察御史<sub>臣</sub>劉人壽

給事中<sub>臣</sub>溫常綬覆勘

覆校官庶吉士<sub>臣</sub>徐立綱

校對官中書<sub>臣</sub>田尹衡

校對官中書<sub>臣</sub>汪日章

謄錄監生<sub>臣</sub>林大本

謄錄舉人<sub>臣</sub>徐秉文

欽定四庫全書

春秋穀梁注疏卷十五

起襄公元年  
盡十五年

晉范甯集解

唐陸德明音義

楊士勛疏

襄公䟽

魯世家襄公名午成公之子定姒所生周  
簡王十四年即位諡法因事有功曰襄

元年春王正月公即位

傳繼正即位正也䟽

釋曰襄是定姒之子  
嫌非正故重明之

仲孫蔑會晉欒黶宋華元衛甯殖曹人莒人邾人滕人

薛人圍宋彭城

傳繫彭城於宋者不與魚石正也注魚石得罪於宋

成十五年奔楚十八年復入于彭城然則彭城已屬

魚石今猶繫宋者崇君抑叛臣也音義

復扶又反

䟽

釋曰哀三

年齊衛圍戚傳曰不繫戚於衛者子不有父也魚石人臣而取君之邑邑以繫國為正故言繫彭城於宋不與魚石正也若不繫宋則似與之為父與君意異繫不有殊公羊傳曰曷為繫之於宋不與諸侯專封也左氏云今楚取彭城以封魚石是魚石為楚所封則三傳不異其說彭城繫宋則異也何者公羊意彭城繫宋不與楚封此傳意彭城繫宋不與魚石是其異也左氏以為不成叛人又云謂之宋志是又與二傳意不同也

夏晉韓厥帥師伐鄭

仲孫蔑會齊崔杼曹人杞人次于鄆注鄆鄭地鄆

或為合音義

鄆似稜反

秋楚公子壬夫帥師侵宋音義

壬而林反

九月辛酉天王崩

邾子來朝音義

朝直遙反下同

䟽

釋曰世本及左傳邾宣公也

冬衛侯使公孫剽來聘音義

剽匹妙反

晉侯使荀罃來聘注冬者十月初也王崩赴未至皆未

聞喪故各得行朝聘之禮疏

注釋曰周禮諸侯之邦交歲相問殷相聘世相朝又

左傳云凡諸侯即位小國朝之大國聘焉此年公新即位故各行朝聘禮也知王崩赴未至者禮諸侯為天子斬衰若其聞喪豈天子以九月崩當月即邾子來朝冬初即晉衛來聘魯是有禮之國焉得受之明知赴未至故各得行朝聘之禮也猶如襄二十九年吳子餘祭五月被弑赴未至魯故季札以六月至魯仍行聘事亦此類也若然經書九月天王崩者赴雖在十月之末告以九月崩耳知王崩諸侯不得行朝聘之禮者曾子問云諸侯相見揖讓入門不得終禮廢者幾孔子曰六天子崩大廟火日食后夫人之喪雨雪服失容則廢是天子崩不得行朝聘也

二年春王正月葬簡王

鄭師伐宋

夏五月庚寅夫人姜氏薨

六月庚辰鄭伯踰卒音義

踰古  
圉反

晉師宋師衛甯殖侵鄭

傳其曰衛甯殖如是而稱于前事也注初衛侯速卒

鄭人侵之故舉甯殖之報以明稱于前事不書晉宋

之將以慢其伐人之喪音義

稱尺證反注  
同將子亮反疏釋曰依

師少稱將將卑師衆稱師傳知稱于前而書名者三人同有伐喪之罪或名或師明知稱師者罪重稱名

者罪輕又成二年鄭人侵衛之喪今  
甯殖獨稱名氏故知稱其前事也

秋七月仲孫蔑會晉荀縈宋華元衛孫林父曹人邾人  
于戚

己丑葬我小君齊姜注齊謚音義齊如字齊謚也一音側皆反後齊歸同

䟽注釋曰葬皆舉謚又謚法執心克壯曰齊故知是謚

叔孫豹如宋

冬仲孫蔑會晉荀縈齊崔杼宋華元衛孫林父曹人邾  
人滕人薛人小邾人于戚遂城虎牢



傳若言中國焉內鄭也注虎牢鄭邑鄭服罪內之故  
為之城不繫虎牢於鄭者如中國之邑也僖二年城  
楚丘傳曰楚丘者何衛之邑國曰城此邑也其曰城  
何封衛也然則非魯邑皆不言城中國猶國中也音

義

為于  
偽反

疏

釋曰此言若中國焉者非是對戎狄而生  
名言中國猶國中也今經不繫虎牢於鄭

者如國中之邑也所以如國中之邑者鄭服罪故內  
之也所以鄭服不繫虎牢者春秋之例外邑皆不言  
城今虎牢若繫鄭則不得書之故不繫之鄭比內邑  
也公羊以為虎牢不繫鄭者為中國諱伐喪說左氏  
者以為虎牢已屬晉故  
不繫鄭並與穀梁異

楚殺其大夫公子申

三年春楚公子嬰齊帥師伐吳

公如晉

夏四月壬戌公及晉侯盟于長檮注晉侯出其國都與

公盟于外地音義

檮丑居反 䟽

注釋曰范知出國都與公盟者上言如晉下言公至自晉

不言長檮故知之也

公至自晉

六月公會單子晉侯宋公衛侯鄭伯莒子邾子齊世子

光已未同盟于雞澤注雞澤地也

傳同者有同也同外楚也

陳侯使袁僑如會

傳如會外乎會也注外乎會者言本非會內也諸侯

已會乃至耳疏

釋曰莊十四年單伯會伐宋傳云會事之成也僖二十八年陳侯如會傳

曰外乎會也是二文互以相通也會伐宋伐事已成單伯乃至則踐土亦會事已成陳侯乃至也陳侯言外乎會明伐宋時亦外乎會也三處發傳者單伯內大夫陳侯是諸侯袁僑為君所使嫌有異故重發之於會受命也

戊寅叔孫豹及諸侯之大夫及陳袁僑盟

傳及以及與之也注諸侯在會而大夫又盟是大夫

執國之權亢君之禮陳君不會袁僑受使來盟袁僑

之盟得其義也通言叔孫豹及諸侯之大夫則無以

表袁僑之得禮故再言及明獨與袁僑不與諸侯之

大夫音義

受使所  
吏反

諸侯以為可與則與之不可與則

釋之諸侯盟又大夫相與私盟是大夫張也故雞澤

之會諸侯始失正矣大夫執國權曰袁僑異之也注

釋不但總言及諸侯之大夫而復別言袁僑者是異

袁僑之得禮音義

又反疏釋曰傳解經所以再言及

故言及以殊之公羊以為重言及者為其與袁僑盟也其意言諸侯大夫所以為盟者為與袁僑盟也穀梁傳異也禮君不敵臣陳遣大夫赴會諸侯大夫與之為盟則是貴賤之宜而云大夫疆者陳侯遠慕中國使大夫諸會受盟諸侯雖則盟罷當須更與結好又尊卑不敵者謂獨會公侯今既與諸侯眾在何以得稱不敵陳侯不在故與袁僑得盟諸侯大夫君在私盟故謂之疆也案十六年大夫不臣也則不繫諸侯此云諸侯之大夫而謂之疆者此雖對君私盟慢君之意緩至十六年積習已久不臣之情極故不繫諸侯此亦應為君之命而謂之私私者對君盟非臣事故謂之私

秋公至自晉

冬晉荀鑿帥師伐許

四年春王三月己酉陳侯午卒

夏叔孫豹如晉

秋七月戊子夫人姒氏薨注成公夫人襄公母也姒杞

姓音義

杞音起

疏

釋曰公羊以為戈氏何休云莒女此與左氏並為姒氏范及杜預皆云杞女是

與公羊異也傳妾子為君其母不得稱夫人今薨葬備文者君以夫人禮成之臣民不可以妾禮遇之故亦得

稱夫人今仍非禮也

葬陳成公

八月辛亥葬我小君定姒注定謚

冬公如晉

陳人圍頓

五年春公至自晉

夏鄭伯使公子發來聘

叔孫豹繒世子巫如晉音義

巫亡符反

傳外不言如而言如為我事往也注外相如不書為

魯事往故同於內音義

偽為于疏釋曰公羊以繒世子  
反

女所生其巫之母即是魯襄公母之姊妹繒更娶後  
夫人于莒而無子有女還于莒為夫人生公子但繒  
子愛後之夫人故立其外孫莒之公子故叔孫豹與  
世子巫如晉訟之此傳直云為我事往也不知更為  
何事故徐邈注此取左氏為說云為我事往者謂請  
繒于晉以助已出賦也今范云外相如不書為魯事  
往故同於內也下文滅繒彼傳亦同公羊取外孫為  
嗣則此之如晉同公羊理亦無損但巫縱與魯同是  
莒之外孫傳不得云為我事往也况又上四年范注  
云如氏襄公母杞姓也則襄公母非莒女也若同左  
氏則於傳文為順未審范意如何或當范  
雖從公羊外孫為嗣此明如晉非為外孫

仲孫蔑衛孫林父會吳于善稻注善稻吳地音義

善稻  
吳謂



之伊緩左  
氏作善道

傳吳謂善伊謂稻緩號從中國名從主人注夷狄所

號地形及物類當從中國言之以教殊俗故不言伊

緩而言善稻人名當從其本俗言

疏釋曰重發此文者邾之與宋俱

是中國嫌此魯衛會吳善稻善稻吳地嫌從夷號故  
重發之太原晉地接狄之竟名曰大鹵恐從狄名故  
更發其例蚡泉魯地莒從夷俗但狄人謂蚡泉為矢  
胎莒不得與真夷狄同故亦須發例也名從主人者  
越為於越左氏云  
壽夢之鼎是也

秋大雩

楚殺其大夫公子壬夫

公會晉侯宋公陳侯衛侯鄭伯曹伯莒子邾子滕子薛

伯齊世子光吳人繒人于戚注繒以外甥為子曾夷狄

之不若故序吳下所以不復殊外吳者以其數會中國

故音義

曾才登反又如字復扶又反數音朔

疏

注釋曰繒夷狄之不若自當序吳下繒在吳下不得

殊吳所以云數會中國者若繒夷狄不若吳不數會中國縱使抑繒不可稱人進班也今以其數會進之故序云會進之故序繒于下以表夷狄之不若進吳于上以顯其數會中國也

公至自會

# 冬戍陳

傳內辭也注不言諸侯是魯戍之疏

釋曰此戍陳公羊以為諸侯雖

至不可得而序故獨言我也杜預以為威會受晉命  
戍陳諸侯各自遣戍不復告魯故不書也觀范注似  
魯獨自戍之案檢上下則於理不得何者定五年歸  
粟于蔡傳云專辭也彼專辭即與此內辭不異彼傳  
歸粟更云諸侯歸之則此戍陳亦是諸侯同戍襄三  
十年澶淵救災具列諸國故定五年歸粟不復歷序  
諸侯則此亦以救陳之文具列諸侯故於戍之文獨  
言魯戍也彼傳云義過也不足具列則此亦以其事  
可知故經文不序范云  
魯者解經之獨立文也

## 楚公子貞帥師伐陳

公會晉侯宋公衛侯鄭伯曹伯莒子邾子滕子薛伯齊世子光救陳十有二月公至自救陳

傳善救陳也注楚人伐陳公能救中國而攘夷狄故

善之善之謂以救陳致疏

釋曰於公之至下言之者春秋主善以內故書公至

下重發

辛未季孫行父卒

六年春王三月壬午杞伯姑容卒

夏宋華弱來奔

秋葬杞桓公

滕子來朝音義

朝直遙反

莒人滅繒注莒是繒甥立以為後非其族類神不歆其

祀故言滅音義

莒人滅繒似陵反立其甥為後異姓故言滅也

傳非滅也注非以兵滅中國日卑國月夷狄時繒中

國也而時非滅也家有既亡國有既滅注滅猶亡亡

猶滅家立異姓為後則亡國立異姓為嗣則滅既盡

也滅而不自知由別之而不別也注繒不達滅亡之

義故國滅而不知音義

別彼列反

莒人滅繒非滅也立異

姓以蒞祭祀滅亡之道也音義

蒞音利又音類

疏

釋曰重發傳者非兵

滅故重明之由別之不別也言繒所以滅者立嗣須分別同姓而繒不別也舊解云別猶識也言繒君唯識知國須立後不能分別異姓之不得

冬叔孫豹如邾

季孫宿如晉注宿行父子

十有二月齊侯滅萊疏

左氏以為齊遷萊子於邾故不書出奔公羊以為萊子出奔不

如死也死不書舉滅為重此無傳未知所從

七年春郊子來朝音義

郊音談朝直  
遙反下同

夏四月三卜郊不從乃免牲

傳夏四月不時也三卜禮也乃者亡乎人之辭也疏

釋曰三卜是禮而書之者為三卜不從乃四月不時故也乃者亡乎人之辭也復發傳者嫌三卜禮不當

責無人也

小邾子來朝疏

釋曰左傳小邾穆公也

城費音義

費音秘

秋季孫宿如衛

八月螽

冬十月衛侯使孫林父來聘壬戌及孫林父盟

楚公子貞帥師圍陳

十有二月公會晉侯宋公陳侯衛侯曹伯莒子邾子于

鄒注鄒鄭地音義

鄒本又作陽于詭反

鄭伯髡原如會音義

髡苦門反本又作郡或作顛顛音於倫反左氏作髡顛

未見

諸侯丙戌卒于操注操鄭地音義

操七報反

傳未見諸侯其曰如會何也致其志也禮諸侯不生



名此其生名何也卒之名也卒之名則何為加之如  
會之上見以如會卒也其見以如會卒何也鄭伯將  
會中國其臣欲從楚不勝其臣弑而死其不言弑何  
也不使夷狄之民加乎中國之君也注邵曰以其臣  
欲從楚故謂夷狄之民不欲使夷狄之臣得弑中國  
之君故去弑而言卒使若正卒然音義見以賢遍反  
去起呂反

其地於外也其日未踰竟也日卒時葬正也音義音竟

境

疏

釋曰葬在八年此處發之者以鄭伯被弑而同  
正卒既同正卒宜同正葬故連言也重發正卒

之傳者今被弑而同正卒  
嫌與他例異故明之也

### 陳侯逃歸

傳以其去諸侯故逃之也注鄭伯欲從中國而懼其

凶禍諸侯莫有討心於是懼而去之背華即夷故書

逃以抑之音義

背音佩

八年春王正月公如晉疏

釋曰傳例往月危往也今書正月者以鄭伯歸晉受禍陳

侯畏楚逃歸明晉之不足可恃而公往朝危之道故書月也

### 夏葬鄭僖公

鄭人侵蔡獲蔡公子濕注獲者不與之辭侵者所以服

不義無相獲之道音義

濕本又作濕又音變二十年同左氏作變

傳人微者也侵淺事也而獲公子公子病矣疏

釋曰公羊

以為侵而言獲者適得其意謂值其無備故獲得之此云公子病矣謂侵是淺事所以得公子者由公子病弱矣徐邈云公子病不任為將帥故獲之

季孫宿會晉侯鄭伯齊人宋人衛人邾人于邢丘注邢

丘某地音義

邢音刑

傳見魯之失正也公在而大夫會也音義

見賢

疏

釋曰

以公在晉未及告公大  
夫為會故云失正也

公至自晉

莒人伐我東鄙

秋九月大雩

冬楚公子貞帥師伐鄭

晉侯使士匄來聘

九年春宋災

傳外災不志此其志何也故宋也注故猶先也孔子

之先宋人䟽

釋曰公羊以為大者曰災何休云大者謂正寢社稷宗廟朝廷也小者非宗廟

社稷也又曰內何以不言火甚之也者何休云春秋以內為天下法故雖小有火如大災又云外災不書此何以書為王者之後記災也此傳直云故宋也徐邈云春秋王魯以周公為王後以宋為故也是亦以為王者之後記災也今范獨云孔子之先宋人故記其災以黜周王魯乃是公羊之說今徐乃取以解穀梁故范不從之

夏季孫宿如晉

五月辛酉夫人姜氏薨注成公母

秋八月癸未葬我小君穆姜

冬公會晉侯宋公衛侯曹伯莒子邾子滕子薛伯小邾  
子齊世子光伐鄭十有二月己亥同盟于戲注戲鄭地

音義

戲許  
宜反

傳不異言鄭善得鄭也不致恥不能據鄭也注戲盟

還而楚伐鄭故恥不能終有鄭疏

釋曰舊解以伐鄭  
之文在上即同盟

于戲明鄭在可知故不異言也善得鄭也言鄭服心  
同盟故以為善既善得鄭則是無恥所以不致者恥  
不能據鄭也謂既盟之後楚即伐鄭恥不能終據之  
故不致也又一解不異言鄭謂伐會無鄭伯之文今  
不序是不異言也所以不異言者善得鄭也嘉其服  
心受盟比之舊同好然故不異言也既善得鄭又以

為恥者當時鄭雖受盟楚即伐鄭諸侯不能終據鄭故以為恥也

### 楚子伐鄭

十年春公會晉侯宋公衛侯曹伯莒子邾子滕子薛伯

杞伯小邾子齊世子光會吳于柤注柤楚地音義

柤莊加反

傳會又會外之也注五年會于戚不殊會今殊會吳

者復夷狄故音義

復扶又反下不復皆同

䟽

釋曰重發傳者五年戚會不殊吳今

殊之故復發傳注釋曰舊解戚之會抑繒進吳故不得殊會今宜當復夷狄故會以外之或以為戚會以吳行進故不殊之今在後更為夷狄之行故外之

夏五月甲午遂滅傅陽音義

傅陽左氏作偏陽

傳遂直遂也其曰遂何不以中國從夷狄也注言時

實吳會諸侯滅傅陽恥以中國之君從夷狄之主故

加甲午使若改日諸侯自滅傅陽滅卑國月此日蓋

為遂耳音義

為于疏釋曰傳言遂直遂也者是繼事偽反之辭不須云日今加甲午始云

遂滅與凡遂異故傳言之注釋曰傅陽卑國例當書月此經言日故范云蓋為遂耳為遂者欲見不使中

國之君從夷狄之主也

公至自會



傳會夷狄不致惡事不致注夷狄不致恥與同惡事  
不致恥有惡此其致何也注會吳會夷狄也滅傅陽  
惡事也據不應致存中國也注以中國之君從夷狄  
之主而滅人之邑也此即夷狄爾是無中國也故加  
甲午使若改日諸侯自滅傅陽爾不以諸侯從夷狄  
也滅中國雖惡事自諸侯之一青爾從夷狄而滅人  
則中國不復存矣音義青所反疏釋曰僖二十六年公  
不致此其致之何也危之也彼亦是以蠻夷伐中國  
傳總釋之今分別兩言之者當以直會夷狄直為惡

事二者俱不致會夷狄不致者成二年蜀之盟是也  
惡事不致者桓二年稷之會是也今公從夷狄為祖  
之會又滅傅陽二事皆惡故傳兩舉之彼公以楚師  
伐齊唯是一事故總釋耳傳於此見存中國之文者  
難澤之會諸侯失政從此之後日益陵遲又會夷狄  
之人以滅中國惡事之甚故書公至以存之僖二十  
六年傳云危之此云存之者彼向來陵遲故直云危  
之公此時微弱之甚故云存中國也注釋曰此謂國  
邑也故上注云卑國月  
公羊左氏亦以為國也

中國有善事則并焉注若中

國有善事則不復言會諸侯改日遂滅傅陽如僖四

年諸侯侵蔡蔡潰遂伐楚是并焉音義

并必性反又如字

無

善事則異之存之也注諸侯會吳于柤甲午遂滅傅

陽是則若會與遂異人汲鄭伯注汲猶引也鄭伯髡

原為臣所弑而不書弑此引而致於善事音義汲音急

逃歸陳侯注鄒之會陳侯不會以其為楚故言逃歸

音義為于偽反致祖之會存中國也

楚公子貞鄭公孫輒帥師伐宋

晉師伐秦

秋莒人伐我東鄙

公會晉侯宋公衛侯曹伯莒子邾子齊世子光滕子薛

伯杞伯小邾子伐鄭注齊世子光序滕薛之上蓋驕蹇

音義

蹇紀  
輦反

冬盜殺鄭公子斐公子發公孫輒音義

斐芳尾反  
左氏作駢

傳稱盜以殺大夫弗以上下道惡上也注兩下相殺

不志乎春秋惡鄭伯不能脩政刑致盜殺大夫也以

上下道當言鄭人殺其大夫音義

惡烏路  
反注同

疏

釋曰哀  
四年傳

云微殺大夫謂之盜而曰上下道者以微殺大夫即  
是兩下相殺兩下相殺不志乎春秋此惡鄭伯不能  
脩政刑以致盜殺大夫則哀十三年盜殺陳夏區夫  
昭二十年盜殺衛侯之兄軌亦是惡其君以致盜也

兩下相殺既不入于例故云不以上下道其以上下道者當云鄭人殺其大夫也然文六年狐射姑殺陽處父經改兩下相殺之文晉殺其大夫陽處父是謂君國殺之之辭也則上下之道亦稱國而獨決其不稱人者稱國以殺大夫有二例以二例不定故不得專為上下道稱人殺是誅有罪之文有罪無二例故得決之於此發例者盜殺大夫初起於此故也

成鄭虎牢注不稱其人則魯戍也猶戍陳

傳其曰鄭虎牢決鄭乎虎牢也注二年鄭去楚而從

中國故城虎牢不言鄭使與中國無異自爾已來數

反覆無從善之意故繫之於鄭決絕而棄外音義

數所

角反覆疏注釋曰注言此者解其決鄭之意九年鄭芳服反與諸侯同盟其年楚子伐鄭鄭從楚此年

又與楚公子貞伐宋是其數反覆也今諸侯則成鄭當是其無從善之心故不得內之以明當決絕之若不決絕之當如上二年直云城虎牢不繫之鄭也

楚公子貞帥師救鄭

公至自伐鄭

十有一年春王正月作三軍

傳作為也古者天子六師諸侯一軍作三軍非正也

注周禮司馬法曰萬有二千五百人為軍王六軍大

國三軍次國二軍小國一軍其將皆命卿二千五百  
人為師然則此言天子六師凡萬有五千人大國三  
軍則三萬七千五百人諸侯制踰天子非義也總云  
諸侯一軍又非制也昭五年經曰舍中軍傳曰貴復  
正也然則魯有二軍今云作三軍增置中軍爾魯為  
次國於此為明音義將子匠反  
舍音捨疏注釋曰魯本周公  
之後地方七百里  
而云次國者據  
春秋時言之也

夏四月四卜郊不從乃不郊

傳夏四月不時也四卜非禮也䷗

釋曰上三卜為禮而非時此四卜違

禮而亦非時故重發傳不言免牲者不行免牲之禮故但言不鄭耳

鄭公孫舍之帥師侵宋

公會晉侯宋公衛侯曹伯齊世子光莒子邾子滕子薛伯杞伯小邾子伐鄭

秋七月己未同盟于京城北注盟謀更共伐鄭京城北

鄭地音義

京城左氏京作毫

公至自伐鄭

傳不以後致盟後復伐鄭也注傳例曰己伐而盟復



伐者則以伐致盟不復伐者則以會致此言不以後

致謂會在伐後音義

復扶反疏

釋曰成十七年夏公會尹子云云伐鄭乙酉同

盟于柯陵與此正同彼云公至自會此云公至自伐鄭致文不同者案彼伐鄭同盟于柯陵為公不同于伐鄭以會事為大故以會致此時鄭從楚楚彊諸侯畏之故以伐為大事又盟後重更伐鄭故以伐致也

注釋曰下十

九年傳文

楚子鄭伯伐宋

公會晉侯宋公衛侯曹伯齊世子光莒子邾子滕子薛伯杞伯小邾子伐鄭會于蕭魚注蕭魚鄭地公至自會

傳伐而後會不以伐鄭致得鄭伯之辭也注鄭與會

而服中國喜之故以會致音義

與音預

疏

釋曰僖四年傳云二事偶

則以後事致此云公至自會正是其常而云不以伐鄭致者以鄭從楚伐之尤難故當以伐為大事但以喜鄭與會故以會致之

楚人執鄭行人良霄

傳行人者挈國之辭也注行人是傳國之辭命者音

義

挈苦結反傳直專反

疏

釋曰舊解挈猶傳也行人傳國使會命故云挈國之辭也或以挈為舉謂

傳舉國命之辭理亦通耳但與注乖行人之文有六傳之所以發者三也昭公八年楚人執陳行人干徵

師傳曰稱人以執大夫者執有罪也稱行人怨接於上也襄十有八年晉執衛行人石買傳曰稱行人怨接於上也此云楚人執鄭行人良霄傳曰摯國之辭也徵師云稱人執有罪則此摯國之辭而被囚執亦是有罪也石買云稱行人怨接於上則良霄亦然也是其文亦相通也傳舉三者則定六年晉人執宋行人樂祁犂七年齊人執衛行人北宮結昭二十三年晉人執我行人叔孫婁亦然也是稱人以執有罪石買稱行人怨接於上明君之與臣兩舉失之也執大夫稱人又有二義莊十七年齊人執鄭詹傳曰人者衆辭也以人執與之辭也僖四年齊人執陳袁濇塗傳曰齊人者齊侯也不正其踰國而執也桓十一年宋人執鄭祭仲傳曰宋人者宋公也其曰人何也貶之也是有二也案經例執大夫皆稱人而執未有稱公侯者而云貶宋公齊侯何也斯有旨矣然執大夫得其罪例當稱人經因事以明義若被執者有罪則

稱人以見罪若執人者有罪亦稱人以見惡齊侯為  
踰國而執宋公命人逐君故貶之也稱人以明不正  
也縱使執得其罪例未有稱公侯之文其齊宋二君  
亦當貶從稱人之限故經雖同常文傳則分而別之  
所謂善惡不嫌同辭不可以一槩求之矣祭仲不  
稱行人舊解私罪不稱行人或當非行人故也

冬秦人伐晉

十有二年春王三月莒人伐我東鄙圍郕注蓋攻守之

害深故以危錄其月音義

郕本又作台他來反又  
音臺守手又反又如字

傳伐國不言圍邑舉重也注伐國重圍邑輕舉重可

以包輕取邑不書圍安足書也注不足書而今書蓋

為下事起音義

為于疏  
偽反

注釋曰范知之者以伐國不  
言圍邑言圍邑有所見明此

為下  
事耳

季孫宿帥師救郕遂入鄆注鄆莒邑音義

鄆音  
運

傳遂繼事也受命而救郕不受命而入鄆惡季孫宿

也音義

惡烏  
路反

夏晉侯使士魴來聘

秋九月吳子乘卒

冬楚公子貞帥師侵宋

公如晉

十有三年春公至自晉

夏取邾音義

邾音

䟽

釋曰公羊以邾為邾婁之邑此

傳雖無說蓋從左氏為國也

秋九月庚辰楚子審卒注共王音義

共音恭

冬城防

十有四年春王正月季孫宿叔老會晉士匄齊人宋人

衛人鄭公孫蠆曹人莒人邾人滕人薛人杞人小邾人

會吳于向注向鄭地音義

蠆音丑邁反

向舒亮反

䟽

釋曰何休云

月者刺諸侯

侯

委任大夫二年之後君若贊旒然故月之范雖不注或以二卿速會蠻夷危之故月從何說理亦通耳

二月乙未朔日有食之

夏四月叔孫豹會晉荀偃齊人宋人衛北宮括鄭公孫薑曹人莒人邾人滕人薛人杞人小邾人伐秦

己未衛侯出奔齊注諸侯出奔例月衍結怨於民自棄於位君弑而歸與知逆謀故出入皆日以著其惡音義

與音疏注釋曰桓十五年五月鄭伯突出奔蔡十六年十有一月衛侯朔出奔齊又十一年鄭忽出奔

衛亦文承九月之下是例月也若然昭三年冬北燕伯款出奔齊二十一年冬蔡侯東出奔楚而書時者彼蔡

侯東時為公如晉不當月故時也其北燕伯時自為大雨電故亦略其月文或當時明月同唯書日有異也然此書日以著衛侯之惡則昭二十五年九月乙亥公孫于齊亦是明公之惡也或可詳內不可以外例准之然衛侯朔出奔齊傳曰朔之名惡也天子召而不往彼亦惡而書名則北燕伯蔡侯之徒亦是書名以見惡也今衛侯以惡甚而書日所以不名者鄭忽出奔衛傳曰其名失國也衛侯雖則惡甚以其不失國故不名以見得國入書名以明惡也曹伯負芻無罪故出入不名則衛侯鄭入書名者亦惡可知也然衛侯朔亦得國而出書名者以天子絕之故也則蔡侯東北燕伯歟亦為失國而名也鄭忽桓十五年稱世子忽復歸于鄭亦是得國而書名者以其微弱罪賤之故傳曰其名失國以後雖入國不能自安故亦與失國同也又忽是世子與君少異故彼注云其名謂去世子而但稱忽是也公孫于齊不名者為內諱也一解以衛侯不名者出奔書日以見



罪惡甚故不復  
名也理亦通耳

莒人侵我東鄙

秋楚公子貞帥師伐吳

冬季孫宿會晉士匄宋華閱衛孫林父鄭公孫薑莒人

邾人于戚音義

閱音悅

十有五年春宋公使向戌來聘音義

向舒亮反戌音恤

二月己亥及向戌盟于劉

劉夏逆王后于齊注劉采地夏名書名則非卿也天子

無外所命則成故不言逆女音義

夏戶雅反注同

疏

釋曰公羊以劉夏為

天子下大夫今范云非卿則亦以為下大夫也此時王者案世本本紀當頃王也

傳過我故志之也音義

過音戈

夏齊侯伐我北鄙圍成

公救成至遇注至遇而齊師已退也遇魯地

季孫宿叔孫豹帥師城成郭注郭郭音義

郭音孚

秋八月丁巳日有食之

邾人伐我南鄙

冬十有一月癸亥晉侯周卒

春秋穀梁注疏卷十五

春秋穀梁注疏卷十五考證

仲孫蔑會晉欒黶宋華元衛甯殖曹人莒人邾人滕人  
薛人圍宋彭城傳疏為父與君意異○與君二字監  
本誤作子若今改正

叔孫豹及諸侯之大夫及陳袁僑盟傳是大夫張也故  
雞澤之會諸侯始失正矣大夫執國權○臣召南按

諸侯失正而大夫執權久矣雞澤之會君子猶有取  
焉諸侯既盟陳使始至諸侯不與大夫盟使其大夫

與之約束於禮相稱諸侯之大夫及陳袁僑盟固非私擅也袁僑奉陳侯之命以求盟諸侯之大夫各奉其君之命以與盟也晉悼復文襄之續行事動合機宜豈得曰大夫張乎

葬我小君定姒○

臣召南

按魯有兩定姒一為成公妾

襄公母此文是也公羊作定弋一為哀公母定十五年書葬定姒是也穀梁作定弋

叔孫豹繒世子巫如晉傳疏其巫之母即是魯襄公母

之姊妹○監本誤作魯襄公同母姊妹今改正

又疏若同左氏則於傳文為順未審范意如何○臣

浩

按范注明言為魯事往故同於內是同左氏說也

若同公羊說繒世子自為已事往訴於晉穀梁不得

言為我事往矣疏所以必如此委曲者以後文莒人

滅繒傳有立異姓以蒞祭祀之文與公羊之說同也

齊侯滅萊疏一段○監本誤刊於莒人滅繒之下今改

正

季孫宿會晉侯鄭伯齊人宋人衛人邾人于邢邱傳見  
魯之失正也公在而大夫會也○臣浩按左傳晉悼

不欲重煩諸侯故使諸侯之大夫聽命齊宋衛邾之  
大夫皆在不容以專擅責季孫宿也至傳所謂公在  
本据下書公至自晉劉敞曰公以正月如晉反未至  
國今季孫宿復往會晉侯耳

宋災傳疏此何以書○監本脫以字今增

盜殺鄭公子斐公子發公孫輒傳疏以致盜殺大夫○



盜殺監本誤作殺殺今改正

作三軍傳古者天子六師諸侯一軍○

臣召南

按諸侯

大國三軍自是古制一軍之事惟晉武公滅翼請命于周王命以一軍為晉侯言同於小國也其餘侯國並無一軍之說且以魯頌証之公車千乘公徒三萬僖公時有三軍矣經于此年書作疑僖公之後蓋嘗減為二軍而此復增其一耳經于從前軍制之增減不書此及昭五年舍中軍則書者從前三軍二軍俱

公室之軍也此作三軍及舍中軍俱私家之軍也於是魯君始無民矣

夏四月四卜郊不從乃不郊傳䟽此四卜違禮而亦非時○監本卜字上脫四字而字下衍禮字今改正

楚人執鄭行人良霄傳䟽縱使執得其罪例未有稱公侯之文○監本誤作縱使例執得其罪文義遂不可解今改正

春秋穀梁注疏卷十五考證

欽定四庫全書

春秋穀梁注疏卷十六

起襄公十六年  
盡三十一年

晉范甯集解

唐陸德明音義

楊士勛疏

十有六年春王正月葬晉悼公

三月公會晉侯宋公衛侯鄭伯曹伯莒子邾子薛伯杞

伯小邾子于溴梁注溴梁地音義

溴古  
閼反

戊寅大夫盟

傳溴梁之會諸侯失正矣諸侯會而曰大夫盟正在

大夫也諸侯在而不曰諸侯之大夫大夫不臣也

晉人執莒子邾子以歸疏

釋曰諸侯不得私相治  
執之以歸非禮明矣

齊侯伐我北鄙

夏公至自會

五月甲子地震

叔老會鄭伯晉荀偃衛甯殖宋人伐許

秋齊侯伐我北鄙圍成

大雩

冬叔孫豹如齊

十有七年春王二月庚午邾子矰卒

音義矰音閑左氏作矰

宋人伐陳

夏衛石買帥師伐曹

秋齊侯伐我北鄙圍桃齊高厚帥師伐我北鄙圍防

九月大雩

疏釋曰前年大雩不月此月者雩十一年傳曰雩月正也是九月八月雩得正也故月

前年雩不正時也

宋華臣出奔陳

冬邾人伐我南鄙

十有八年春白狄來注不言朝不能行朝禮音義

朝直逢反

夏晉人執衛行人石買

傳稱行人怨接於上也注怨其君而執其使稱行人

明使人爾罪在上也音義

使所吏疏注釋曰稱人以反下同疏執是執有罪范

云明使人者謂稱行人者明罪在君上故云明使人非謂稱行人以罪晉也重發傳者楚是夷狄嫌晉之主盟當異故重明之

秋齊侯伐我北鄙

冬十月公會晉侯宋公衛侯鄭伯曹伯莒子邾子滕子

薛伯杞伯小邾子同圍齊

傳非圍而曰圍注據實伐齊有大焉亦有病焉注齊

若無罪諸侯豈得同病之乎非大而足同與注齊非

大國諸侯豈足同共圍之與音義

與音餘

諸侯同罪之

也亦病矣注諸侯同罪大國是不量力必為大國所

讐則亦病矣疏

釋曰知非圍者以十九年經云至自伐齊不以圍致故也傳言非圍而曰

圍者解經不以實言之意齊有大焉亦有病焉謂經稱同圍之意齊雖有事大國焉亦有罪惡焉病猶罪惡也謂數伐魯以數伐魯又復國大故稱同圍之耳非大而足同與覆上齊有大焉諸侯同罪之意也謂

齊若非大國何須諸侯同罪之也亦病矣謂齊是大國諸侯共同罪之必為大國所讐是取禍之道故云亦罪惡矣言諸侯與齊同有罪惡也

曹伯負芻卒于師音義

芻初反

傳閔之也疏

釋曰僖四年許男新臣卒彼內桓師故不地知言卒于師者皆閔之也

楚公子午帥師伐鄭

十有九年春王正月諸侯盟于祝柯注前年同圍齊之

諸侯也祝柯齊地音義

柯古河反注同

晉人執邾子公至自伐

齊



傳春秋之義已伐而盟復伐者則以伐致注京城北

之類是音義

復扶又反下及注同

盟不復伐者則以會致注會

于蕭魚之類是祝柯之盟盟復伐齊與注怪不以會

致音義

與音餘

曰非也注不復伐齊然則何為以伐致

也曰與人同事或執其君或取其地注同與邾圍齊

而晉執其君魯取其地此與盟後復伐無異疏

釋曰據此

傳文事實在邾不關于齊而以伐齊致者以明實伐  
齊盟後又或執其君或取其地與盟後復伐無異故  
託事以見意罪晉執君惡魯取地  
若其實不伐齊亦不得以伐致也

取邾田自鄽水注以鄽水為界音義

鄽火號反又音郭水名

傳軋辭也注軋委曲隨鄽水言取邾田之多音義

軋於

八反疏

釋曰公羊以為鄽水移入邾界魯隨而有之今云軋辭者軋謂委曲經言自鄽水者委曲之辭

也一解軋辭者軋謂委曲言取邾田委曲隨鄽水為界之辭言其多也

其不日惡盟也

音義

惡鳥疏釋曰謂執路反君取也

季孫宿如晉

葬曹成公

夏衛孫林父帥師伐齊

秋七月辛卯齊侯環卒

晉士匄帥師侵齊至穀聞齊侯卒乃還

傳還者事未畢之辭也疏

釋曰重發傳者嫌內外異也何休廢疾難此云君子

不求備於一人士匄不伐喪純善矣何以復責其專大功也鄭玄釋之曰士匄不伐喪則善矣然于善則稱君禮仍未備故言乃還不言乃復作未畢之辭還者致辭復者反命如鄭之言亦是譏士匄不復命也然如鄭意以乃還為惡乃復為善則公子遂至黃乃復又為惡之者彼以遂違君命而反故加畢事之文欲見臣不專君命與此意少異此既善不伐喪復受為事畢之辭則是純善士匄故以未畢之辭言之受命而誅生死無所加其怒不伐喪善之也善之則何

為未畢也君不尸小事臣不專大名善則稱君過則稱己則民作讓矣士匄外專君命故非之也然則為士匄者宜奈何宜墯帷而歸命乎介注除地為墯於墯張帷反命于介介歸告君君命乃還不敢專也音

義

墯音善介音界副使也

八月丙辰仲孫蔑卒

齊殺其大夫高厚

鄭殺其大夫公子嘉

冬葬齊靈公

城西郭

叔孫豹會晉士匄于柯注柯地

城武城

二十年春王正月辛亥仲孫速會莒人盟于向注向莒

邑音義

向舒  
亮反

夏六月庚申公會晉侯齊侯宋公衛侯鄭伯曹伯莒子  
邾子滕子薛伯杞伯小邾子盟于澶淵注澶淵衛地音

義

澶市然反

秋公至自會

仲孫速帥師伐邾

蔡殺其大夫公子濕蔡公子履出奔楚

陳侯之弟光出奔楚

音義光左氏作黃

傳諸侯之尊弟兄不得以屬通其弟云者親之也親

而奔之惡也注顯書弟明其親也親而奔逐之所以

惡陳侯

音義惡烏疏注釋曰知非惡光者以傳例歸路反疏為善自某歸次之以二十三年

云光自楚歸于陳又且專之稱弟罪衛侯則光稱弟罪陳侯也故鄭釋廢疾亦云惡陳侯也

叔老如齊

冬十月丙辰朔日有食之

季孫宿如宋

二十有一年春王正月公如晉

邾庶其以漆間丘來奔音義

漆音七閭力居反

傳以者不以者也注凱曰人臣無專祿以邑叛之道來奔者不言出舉其接我者也漆間丘不言及小大

敵也疏

釋曰重發傳者此非用兵之以故昭五年莒牟夷以牟要及防茲來奔傳曰及防茲以大

及小也是小大不敵故當言及今不言及為小大敵故也

夏公至自會

秋晉欒盈出奔楚

九月庚戌朔日有食之

冬十月庚辰朔日有食之疏

釋曰此年與二十四年皆頻月日食據今歷無有頻

食之理但古或有之故漢書高祖本紀亦有頻食

曹伯來朝音義

朝直遙反



公會晉侯齊侯宋公衛侯鄭伯曹伯莒子邾子于商任

注商任某地音義

任音

傳庚子孔子生疏

釋曰仲尼以此年生故傳因而錄之史記世家云襄公二十二年生

者馬遷之言與經典不同者非一故與此傳異年耳

二十有二年春王正月公至自會疏

釋曰此與二十一年公如晉皆月者

依傳例月者有危傳不記危之事未可知也何休云善公能事大國案下沙隨會公至不月則何說非

夏四月

秋七月辛酉叔老卒

冬公會晉侯齊侯宋公衛侯鄭伯曹伯莒子邾子滕子  
薛伯杞伯小邾子于沙隨公至自會

楚殺其大夫公子追舒

二十有三年春王二月癸酉朔日有食之

三月己巳杞伯勾卒音義句古害反

夏邾畀我來奔音義畀必二反

葬杞孝公

陳殺其大夫慶虎及慶寅

傳稱國以殺罪累上也及慶寅慶寅累也

陳侯之弟光自楚歸于陳注光反稱弟言歸無罪名矣

晉欒盈復入于晉入于曲沃注曲沃晉地音義

復扶又反

秋齊侯伐衛遂伐晉

八月叔孫豹帥師救晉次于雍渝注雍渝晉地音義

雍於

用反又如字渝羊朱反左氏作榆

傳言救後次非救也注惡其不遂君命而專止次故

先通君命而後言次尊君抑臣之義鄭嗣曰次止也

凡先書救而後言次皆非救也僖元年齊師宋師曹師次于聶北救邢此師本欲止聶北遙為之援爾隨其本意而書故先言次而後言救豹本受君命救晉中道不能故先言救而后言次若鄭伯未見諸侯而曰如會致其本意音義惡鳥路反下傳惡之同聶疏釋曰后言次為非救則以僖元年先言次即是救彼傳亦云非救者其實言次則並是非救但傳各隨其本意而釋之鄭嗣言之詳矣

己卯仲孫速卒

冬十月乙亥臧孫紇出奔邾

傳其日正臧孫紇之出也注正其有罪蘧伯玉曰不

以道事其君者其出乎注必不見容音義

蘧其居反

晉人殺欒盈

傳惡之弗有也注不言殺其大夫是不有之以為大

夫

齊侯襲莒注輕行掩其不備曰襲音義

輕遣政反又如字

二十有四年春叔孫豹如晉

仲孫羯帥師侵齊音義

羯居謁反

夏楚子伐吳

秋七月甲子朔日有食之既

齊崔杼帥師伐莒

大水

八月癸巳朔日有食之

公會晉侯宋公衛侯鄭伯曹伯莒子邾子滕子薛伯杞

伯小邾子于夷儀

冬楚子蔡侯陳侯許男伐鄭

公至自會

陳鍼宜咎出奔楚

鍼其廉反  
咎其九反

叔孫豹如京師

大饑

傳五穀不升為大饑注升成也一穀不升謂之嗛注

嗛不足貌

音義  
嗛去聲  
簞反

二穀不升謂之饑三穀不升謂

之饑

音義  
饑音近

四穀不升謂之康注康虛五穀不升

謂之大侵注侵傷疏

釋曰二穀不升謂之饑今經云大饑故傳云五穀不升也謂之

嘽謂之康嘽是不足之貌康是虛荒之名五穀不升

謂之大侵又謂之大饑者以經云大饑是傳文順經

言之經所云大饑者謂五穀不熟也其實大侵者大

饑之異名通而言之正是一物也傳欲分析五種之

名故異言之耳徐邈云有死者曰大饑無死者曰大

饑何休云有死曰大饑無死曰饑並以意言之與穀

也梁異大侵之禮君食不兼味臺榭不塗注塗堊飾音

也

義

榭音謝堊烏路反又烏洛反

弛侯廷道不除注弛廢也侯射侯

也廢侯不燕射廷內道路不脩除音義

弛式氏反廷徒佞反朝廷

之道也疏注釋曰凡大射為祭擇士賓射則接賓而

一音庭疏射燕則因歡燕而為射既國大饑君不宜



燕樂故注舉燕射言之其實尚不祭鬼神亦不應有大射賓射之禮故傳以弛侯總之或以為燕射一侯禮最省故舉之以明餘者亦不為之耳理亦通

百官布而不制注官職脩列

不可闕廢不更有造作鬼神禱而不祀注周書曰大

荒有禱無祀疏

注釋曰周書者先儒以為仲尼刪尚書之餘今據其書與尚書不類未知

是與非也此大侵之禮也

二十有五年春齊崔杼帥師伐我北鄙

夏五月乙亥齊崔杼弑其君光

傳莊公失言淫于崔氏注放言將淫崔氏為此見弑

也邵曰淫過也言莊公言語失漏有過於崔子而崔

子弑之故傳載其致弑之由以明崔杼之罪甚音義

為于偽反疏注釋曰失言謂放言謂放言語將淫崔下為其同邵解云謂言語失漏有過於崔氏范

兩載之者貴異說耳注又云傳載其致弑之由者正謂此傳不更據別文也

公會晉侯宋公衛侯鄭伯曹伯莒子邾子滕子薛伯杞

伯小邾子于夷儀

六月壬子鄭公孫舍之帥師入陳

秋八月己巳諸侯同盟于重丘注會夷儀之諸侯也重

丘齊地音義

重直龍反

公至自會

衛侯入于夷儀注夷儀本邢地衛滅邢而為衛地

楚屈建帥師滅舒鳩音義

屈居勿反

冬鄭公孫夏帥師伐陳音義

夏戶雅反

十有二月吳子謁伐楚門于巢卒音義

謁左氏作過

傳以伐楚之事門于巢卒也注所以攻巢之門者為

其伐楚之事故也然則伐楚經巢于巢者外乎楚也

注若但言伐楚卒而不言于巢者則卒在楚也言于

巢則不在楚門于巢乃伐楚也注先攻巢然后楚乃

可得伐疏

注釋曰舊解巢楚竟上之小國有表裏之援故先攻之然后楚可得伐以為楚邑非

也徐邈亦云巢偃姓之國是也

諸侯不生名取卒之名加之伐楚之

上者見以伐楚卒也其見以伐楚卒何也注據伐楚

惡事無緣致本意音義

見賢疏

釋曰重發傳者與失國生名異故也

古

者大國過小邑小邑必飾城而請罪禮也注飾城者

脩守備請罪問所以為闕致師之意音義

守手又反或如字

吳子謁伐楚至巢入其門門人射吳子有矢創反舍

而卒古者雖有文事必有武備非巢之不飾城而請

罪非吳子之自輕也注非責音義

射食亦反  
創初良反

二十有六年春王二月辛卯衛甯喜弑其君剽音義

剽匹

妙反

傳此不正其日何也殖也立之喜也君之正也注父

立以為君則子宜君之以明正也音義

日人實反

疏

釋曰  
知剽

不正者以元年稱

公孫見經故也

衛孫林父入于戚以叛

甲午衛侯衍復歸于衛音義

衍苦旦反一本作衍

傳日歸見知弑也注書喜弑君衍可言歸衍實與弑

故錄日以見之書日所以知其與弑者言辛卯弑君

甲午便歸是待弑而入故得速也音義

見知賢徧反實與音豫下

同疏

釋曰衍既與弑不言入以惡之者傳例歸為善復歸則居其兩端故傳復者復中國歸者歸其

所令喜既弑君衍不可言歸但以與弑故從平文云復歸書名因以見惡耳不言入以明歸罪于寘喜也

夏晉侯使荀吳來聘

公會晉人鄭良霄宋人曹人于澶淵

秋宋公殺其世子痤音義

理在禾反

晉人執衛甯喜

八月壬午許男甯卒于楚注宣九年九月辛酉晉侯黑

臀卒于扈傳曰其日未踰竟也此乃在楚何以日邪隱

三年八月庚辰宋公和卒傳曰日卒正也許男卒于楚

則在外已顯日卒明其正音義

竟音境

疏

注釋曰

案薄氏駁云此自發例

於大國不明於小國其小國或詳或略許男書日必正也范荅云春秋稱世子固有非正周之襄王晉之恭子曹伯射姑亦是其例覆且之卒謂于日食之下何以知其不日然則范之此荅據何文得知又周之襄王與恭

子何以為別又薄氏之駁不問射姑而范答探意大過者案左氏襄王是惠后之子明襄王是嫡也故大八年書八月戊申天王崩恭世子是獻公僖父妾而生僖五年被殺不日故知雖世子仍非嫡也薄氏之意見射姑稱世子而卒不稱日故駁云發例子大國小國自從詳略故范以射姑非正答之據陳侯款僖七年寧毋之會亦言世子至僖二十八年書卒之上亦不日明稱世子亦有非正也捷菑既貶則纓且是正故知纓且之卒蒙上日食之文可知襄王正恭子不正而亦引以為例者欲明襄王正而稱世子申生不正亦稱世子據此言之明有不正而稱世子者

冬楚子蔡侯陳侯伐鄭

葬許靈公



二十有七年春齊侯使慶封來聘

夏叔孫豹會晉趙武楚屈建蔡公孫歸生衛石惡陳孔

奐鄭良霄許人曹人于宋音義

眞呼  
亂反

衛殺其大夫甯喜

傳稱國以殺罪累上也甯喜弑君其以累上之辭言

之何也嘗為大夫與之涉公事矣注鄭嗣曰若獻入

以喜有弑君之罪而殺之則不宜既入以為大夫而

復殺之明以他故音義

復音扶  
又反

疏

釋曰舊解國家之  
事危若涉海以水

行為喻也徐邈云涉猶歷也

甯喜由君弑君而不以弑君之罪罪

之者惡獻公也注獻公即衎也鄭嗣曰書甯喜弑其

君則喜之罪不嫌不明今若不言喜之無罪而死則

獻公之惡不彰音義

惡獻鳥路反

衛侯之弟專出奔晉音義

專左氏作鱗

傳專喜之徒也專之為喜之徒何也已雖急納其兄

與人之臣謀弑其君是亦弑君者也專其曰弟何也

注據稱弟則無罪音義

已音紀

專有是信者注言君本

使專與喜為約約君許以寵賂今反殺之獻公使專

失信故稱弟見獻公之惡也音義

為約于偽反本或作盟約見賢徧反

君賂不入乎喜而殺喜是君不直乎喜也故出奔晉

織絢邯鄲終身不言衛注恥失信音義

絢其俱反邯音寒鄲音丹

疏

傳織絢邯鄲虞信云絢者著履寫之頭即周禮絢總及純是也

專之去合乎春秋

注何休曰甯喜本弑君之家獻公過而殺之小負也

專以君之小負自絕非大義也何以合乎春秋鄭君

釋之曰甯喜雖弑君之家本專與約納獻公爾公由

喜得入己與喜以君臣從事矣春秋撥亂重盟約今  
獻公背之而殺忠于己者是獻公惡而難親也獻公  
既惡而難親專又與喜為黨懼禍將及君子見幾而  
作不俟終日微子去紂孔子以為三仁專之去衛其  
心若此合于春秋不亦宜乎音義與約如字又於妙  
反下同背音佩

秋七月辛巳豹及諸侯之大夫盟于宋

傳溴梁之會諸侯在而不曰諸侯之大夫大夫不臣  
也晉趙武恥之豹云者恭也注不舉姓氏諸侯不在

而曰諸侯之大夫大夫臣也其臣恭也晉趙武為之

會也疏

釋白豹云能恭獨言趙武恥之者趙武恥漢梁之會大夫不臣故合帥諸侯大夫為恭故

歸功趙武也傳言豹云者據前稱氏後直名也

冬十有二月乙亥朔日有食之

二十有八年春無冰

夏衛石惡出奔晉

邾子來朝音義

朝直遙反

秋八月大雩

仲孫羯如晉

冬齊慶封來奔

十有一月公如楚疏

釋曰書月者何休云危公朝夷狄案下二十九年公至自楚傳云喜

之也則何說是耳

十有二月甲寅天王崩注靈王

乙未楚子昭卒

二十有九年春王正月公在楚

傳閔公也注閔公為楚所制故存錄

夏五月公至自楚

傳喜之也注凱曰遠之蠻國喜得全歸致君者殆其

往注殆危而喜其反此致君之意義也疏

釋曰於此發之者以

公遠之荆蠻故傳特發之明中國亦同也

庚午衛侯伋卒

閻弑吳子餘祭

傳閻門者也寺人也不稱名姓閻不得齊於人不稱

其君閻不得君其君也禮君不使無恥不近刑人注

無恥不知臧否音義

閤音昏守門人也祭側界反寺人本又作侍人不近附近之近

下同否音鄙又方九反

不狎敵不通怨賤人非所貴也貴人非

所刑也刑人非所近也舉至賤而加之吳子吳子近

刑人也閤弑吳子餘祭仇之也注怨仇餘祭故弑之

音義

狎戶甲反怨無願反又於元反仇音求

疏

釋曰稟二儀之氣須五常之性備然後為人閤

者虧形絕嗣無陰陽之會故不復齊於人以主門晨昏開閉謂之閤以是奄豎之屬故又謂之寺人也不狎敵不通怨者言為人君之道外不得狎敵內不得近怨何者吳過以狎敵蒙禍餘祭以通怨害身故不可狎敵近怨也賤人非所貴謂卑賤之人無高德者不可卒貴貴人非所刑謂刑不上大夫故不可刑之



刑人非所近謂刑罪之人不可信近之今吳子以奄人為閹是近之也舉至賤而加之吳子近刑人也謂經書閹弑吳子餘祭者譏其近刑人也注釋曰國君不仇匹夫犯罪則誅之故知是閹怨也

仲孫羯會晉荀盈齊高止宋華定衛世叔儀鄭公孫段曹人莒人邾人滕人薛人小邾人城杞

傳古者天子封諸侯其地足以容其民其民足以滿城以自守也杞危而不能自守故諸侯之大夫相帥以城之此變之正也注諸侯微弱政由大夫大夫能同恤災危故曰變之正疏釋曰諸侯恤災救危是正今大夫為之故云變之正

也

晉侯使士鞅來聘

杞子來盟注杞復稱子蓋時王所黜

音義復扶又反

吳子使札來聘注杜預曰吳子餘祭既遣札聘上國而

後死札以六月到魯未聞喪也不稱公子其禮未同於

上國音義

札側八反

傳吳其稱子何也善使延陵季子故進之也身賢賢

也使賢亦賢也延陵季子之賢尊君也注以季札之

賢吳子得進稱子是尊君也其名成尊於上也注春

秋賢者不名而札名者許夷狄不一而足唯成吳之

尊稱直稱吳則不得有大夫音義

稱尺疏釋曰謂進證反吳稱子上

謂君上也

秋七月葬衛獻公

齊高止出奔北燕音義

北燕音煙國名

傳其曰北燕從史文也注南燕姑姓在鄭衛之間北

燕姬姓在晉之北史曰北燕據時然故不改也傳所

言解時但有言燕者音義

姑其乙反疏釋曰傳言從又其吉反史文者以時

有直言燕者故仲尼從史文也

冬仲孫羯如晉

三十年春王正月楚子使薳罷來聘注聘例時此聘月

之何也秦曰桓二年宋督弑其君與夷傳曰書王以正

與夷之卒然則善有所明皆須王以正之書王必上繫

于春下統于月此書王以治蔡般弑父之罪爾非以錄

薳罷之聘音義

薳罷于委反下音皮與夷如字又音餘宋瑒公名

夏四月蔡世子般弑其君固

音義般音班本或作班

傳其不日子奪父政是謂夷之注比之夷狄故不日也丁未楚世子商臣弑其父傳曰日髡之卒所以謹商臣之弑也楚公子比弑其君傳曰不日比不弑般弑不日而曰夷之何也徐乾曰凡中國君正卒皆書日以錄之夷狄君卒皆不日以略之所以別中國與夷狄夷狄弑君而日者閔其為惡之甚謹而錄之中國君卒例日不以弑與不弑也至于卒而不日者乃

所以略之與夷狄同例音義

髡苦門反疏注釋曰何

蔡世子班弑其君固不日謂之夷楚世子商臣弑其君何以反書日邪鄭玄釋之曰商臣弑父日之嫌夷狄無禮罪輕也今蔡中國而又弑父故不日之若夷狄不足責然公羊有若不疾乃疾之推以況此則無怪然此注之意與鄭君釋廢疾大致同也但解商臣之弑書日少異耳何者鄭云嫌夷狄無禮罪輕故日徐乾云閔其為惡之甚故日是少異也昭十九年夏五月戊辰許世子止弑其君買傳云日弑正卒也與此異者彼以實不弑君而書日故與此異也

### 五月甲午宋災伯姬卒

傳取卒之日加之災上者見以災卒也其見以災卒

奈何伯姬之舍失火左右曰夫人少辟火乎伯姬曰

婦人之義傳母不在宵不下堂注宵夜音義

見賢偏反辟音

避下

左右又曰夫人少辟火乎伯姬曰婦人之義保

母不在宵不下堂遂逮乎火而死婦人以貞為行者

也伯姬之婦道盡矣詳其事賢伯姬也音義

逮音代又大計

反行下

疏

釋曰外災例時今伯姬之卒故進日在上

雖日久姬能守災死

之貞謂之婦道盡矣

天王殺其弟佖夫

傳傳曰諸侯且不首惡況於天子乎君無忍親之義

天子諸侯所親者唯長子母弟耳天王殺其弟佞夫

甚之也音義

長丁疏釋曰嫌天子之殺弟異於諸侯丈反故以輕況重舉重以明輕見輕

重之道並見矣

王子瑕奔晉注不言出周無外

秋七月叔弓如宋葬共姬注共姬從夫之諡音義

共音恭

傳外夫人不書葬此其言葬何也吾女也卒災故隱

而葬之也疏

釋曰外夫人卒亦不書而云不書葬者傳云外夫人不葬者謂魯女嫁於諸侯



者唯當書卒不合稱葬非謂不是魯女也

鄭良霄出奔許自許入于鄭鄭人殺良霄

傳不言大夫惡之也音義

惡鳥疏釋曰襄二十一年路反晉人殺樂盈傳曰

惡之弗有也彼云不有則此亦然也重發傳者嫌與復入異故也

冬十月葬蔡景公

傳不日卒而月葬不葬者也卒而葬之不忍使父失

民於子也注鄭嗣曰夫葬者臣子之事也景公無子

不可謂無民無民則景公有失於民有民則罪歸於

子若不書葬則嫌亦失民故曰不忍使父失民於子

疏

釋曰成十五年秋八月庚辰葬宋共公傳曰月卒

日葬者也此云不日卒而月葬不葬者也重發傳

而文又異者傳例諸侯日卒時葬正也明達此即非

正故兩文以明之又解一弑一卒經文有日月之殊

故重發傳而文異日月有殊者宋共則日葬景公則

月葬是殊也宋襄失民不葬此失民書葬者此即是

於失子非失民若實失民則直稱人以弑傳曰不忍

使父失民於子也是非失民可知傳云不忍使父失

民於子者言若不書葬則與失民同故云然也

晉人齊人宋人衛人鄭人曹人莒人邾人滕人薛人杞

人小邾人會于澶淵宋災故

傳會不言其所為其曰宋災故何也不言災故則無

以見其善也其曰人何也救災以衆何救焉更宋之

所喪財也注償其所喪財故雖不及災時而猶曰救

災音義

為于偽反見賢徧反更音庚償也喪息浪反償時亮反

疏

釋曰公羊傳云卿則其稱

人何貶也曷為貶卿不得憂諸侯也左氏以為不歸

宋財故貶此傳云其曰人何救災以衆是三傳異也

或當此會趙武亦在但取澶淵之會中國不侵伐夷

狄夷狄不入中國無侵伐八年善之也晉趙武楚屈

建之力也疏釋曰徐邈云晉趙武楚屈建感伯姬之節故為之息兵其意以為諸侯聞伯姬

之賢故歸宋財為澶淵之會此不相侵伐連會言之  
故知為伯姬也范氏不解理未必然言感伯姬歸宋  
財事亦可矣豈以一婦人之貞列國息兵八載人情  
測之必是未可久且傳稱趙武屈建之力則無侵伐  
不由伯姬明矣若然則此會不書楚人則無楚屈建  
若據此後言之昭元年即楚靈王即位不得云無侵  
伐八年若據二十六年澶淵之會言之何知彼有趙  
武屈建唯二十七年見經而云屈建之力者案左氏  
晉趙武以二十五年為政二十六年澶淵之會晉人  
列在鄭卿之上明是趙武但恥溴梁不臣故屈於澶  
淵也其實晉人者趙武是為政起於二十五年再會  
澶淵一會宋又昭元年會于虢而中國以安屈建雖  
一會于宋外寧夷狄是屈建之功傳恐連公子圍之  
事故以屈建別之故左氏云相晉國於今八年亦從  
二十五年數至昭元年也傳連此澶淵會言之者以  
諸侯靜兵由趙武功力此歸宋財亦是趙武為之以

其息師故得憂災恤  
患是以連言之耳

三十有一年春王正月

夏六月辛巳公薨于楚宮

傳楚宮非正也注楚宮別宮名非路寢

秋九月癸巳子野卒注襄公大子音義

大音泰

傳子卒日正也疏

釋曰未踰年之君弒死不日文八年子卒是也莊三十二年子般卒


書日者以有所見故也今子野正卒書日嫌與子般同故傳發之以明昭公之繼正也

己亥仲孫羯卒

冬十月滕子來會葬注書非禮

癸酉葬我君襄公

十有一月莒人弑其君密州



春秋穀梁注疏卷十六

春秋穀梁傳注疏卷十六考證

公會晉侯宋公衛侯鄭伯曹伯莒子邾子薛伯杞伯小邾子于溴梁戊寅大夫盟傳正在大夫也○陳傳良曰凡伯在焉而但曰諸侯者無伯也君在焉而但曰大夫者無君也是故自文以下則有斥言諸侯而不序自襄以下則有斥言大夫而不序臣召南按公羊曰君若贅旒然與此同意此二傳論斷高於左氏者同圍齊傳非大而足同與○各本俱作非大而足同焉

石經焉作與是也今從之

諸侯盟于祝柯傳則以伐致注京城北之類是○京城

監本誤作毫城

臣召南

按左氏作毫城北穀梁作京

城范以穀梁証穀梁則毫字乃京字之訛也今改正

二十有一年傳庚子孔子生○

臣召南

按記孔子之生

與公羊同但公羊言十有一月庚子此不言月即接

經冬十月庚辰朔日有食之曹伯來朝公會晉侯齊

侯宋公衛侯鄭伯曹伯莒子邾子于商任之下則是



十月之二十一日庚子也今相傳孔子誕日在八月  
即据此傳

叔孫豹帥師救晉次于雍渝傳注故先通君命而後言  
次○臣浩按此用公羊之說以解傳也鄭嗣之說較  
為近情其實先救後次先次後救皆不成為救耳

大饑傳臺榭不塗注塗堊飾○堊字監本誤作塗今據  
釋文改正

吳子謁伐楚門于巢卒傳非巢之不飾城而請罪非吳

子之自輕也○

臣召南

按謂吳子自輕是也巢附強

楚為吳所攻即遣使請罪其能免於難乎吳師臨門壯夫善射亦可謂小國之善禦侮者矣責以不飾城而請罪其無乃非經意乎

衛侯之弟專出奔晉傳織絢邯鄲終身不言衛疏織絢邯鄲云云一段○監本誤刊于上文殺甯喜傳注下今改正

秋七月辛巳豹及諸侯之大夫盟于宋傳豹云者恭也

○臣召南按叔孫豹不言族左傳謂豹違命故去族

其說大謬穀梁謂恭亦非也是會較溴梁差為彼善於此若云趙武能帥諸侯之大夫為恭則失之誣矣經于夏已備書叔孫豹會晉趙武楚屈建等名雖間有衛殺甯喜專出奔晉兩事而會于宋之地自一也故前目後凡書豹及諸侯之大夫耳

二十有九年春王正月公在楚傳閔公也○臣浩按左

傳言釋不朝正于廟非也春秋二百四十二年中公

在他國未歸不朝正于廟者多矣如僖十六年冬十二月與諸侯會淮十七年九月始至成十年秋七月如晉十一年三月始至皆踰時最久因事見留瀕于危難經並不書在齊在晉惟昭公失國居外經每于歲首書公在乾侯耳穀梁謂閔公其義甚長

三十年晉人齊人宋人衛人鄭人莒人邾人滕人薛人杞人小邾人會于澶淵宋災故傳無侵伐八年善之也晉趙武楚屈建之力也○  
臣召南按經所書

之晉人即指趙武是也楚於是會不與又其令尹為  
王子圍蓋屈建已於二十八年卒矣穀梁簡要傳必  
附經今云澶淵之會無侵伐八年確有所指范既無  
注楊疏稍為辨証而傳所指之澶淵終不可通竊疑  
傳文澶淵之會以下三十四字係二十七年經書叔  
孫豹會晉趙武楚屈建蔡公孫歸生衛石惡陳孔奐  
鄭良霄許人曹人于宋之傳文宋之會訛為澶淵之  
會遂錯簡在此耳自二十七年後至昭三年推檢經

文並無侵伐至昭四年書楚子會申執徐子書伐吳滅厲而楚復橫此傳之所謂無侵伐八年也

子野卒傳疏莊三十二年○莊字監本誤作襄今改正

春秋穀梁傳注疏卷十六考證